



Centralna banka
BOSNE I HERCEGOVINE
Централна банка
БОСНЕ И ХЕРЦЕГОВИНЕ



Informacija o rezultatima ankete o inflacijskim očekivanjima iz juna 2024.godine



Cjenovna kretanja predstavljaju važnu determinantu upravljanja ekonomskim politikama u zemlji. Kao takva, inflacijska očekivanja utječu na donošenje odluka svih nosioca ekonomskih politika države. Anketa o inflacijskim očekivanjima je važan segment transparentnosti i komunikacijske strategije CBBiH, te se ona i dalje provodi na kvartalnom nivou. S tim u vezi, komercijalne banke i osiguravajuća društva dostavljaju podatke o očekivanim inflacijama u posmatranim periodima. S obzirom na turbulentna kretanja na domaćem i inostranim tržištima, provođenje ankete implicira kratkoročna i dugoročna očekivanja, bitna za donošenje poslovnih i privatnih odluka.

Rezultati ankete provedene u junu 2024. godine odnose se na očekivanja vezana za tekuću (2024) i narednu (2025) godinu. Pozitivna očekivanja inflatornih kretanja za 2024. i 2025. godinu impliciraju pozitivne tendencije cjelokupne privrede.

Očekivana agregirana inflacija u junskom krugu ispitivanja za tekuću godinu iznosi 4,20%, što znači da se očekivanja za inflaciju za 2024. godinu u ovom krugu ispitivanja nisu promijenila. Inflacijska očekivanja u ovom krugu za 2025. godinu iznose 3,90%, što predstavlja blagi rast u odnosu na martovski krug ispitivanja, kada su predikcije stope inflacije za 2025. godinu iznosile 3,60%.

Inflacijski pritisci su potrajali duži vremenski period i nisu imali privremeni karakter, te su zasigurno ostavili negativne posljedice na stanje u državi. Iako su očekivanja za dugoročnom stabilizacijom očekivane agregirane inflacije bila opravdana, rezultati anketiranja u pogledu naredne godine su i dalje sa tim oprečna, što implicira dodatno posvećivanje pažnje ovoj tematici u narednom periodu.

